

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 488218 25 St
Datum: 25.02.2026. godine

Općinski sud u Tuzli, stečajni sudija Vedran Milašinović, u stečajnom postupku nad imovinom dužnika „SAMIREX“ društvo sa ograničenom odgovornošću, Peradarstvo i transport Gračanica, Stjepan Polje, Novo Naselje b.b., dana 25.02.2026. godine, donio je sljedeće

RJEŠENJE

- I OTVARA SE stečajni postupak nad imovinom dužnika „SAMIREX“ društvo sa ograničenom odgovornošću, Peradarstvo i transport Gračanica, Stjepan Polje, Novo Naselje b.b., matični broj subjekta 1-13404, JIB: 4209713550001, račun broj: 1990500008081165 otvoren kod Sparkasse bank d.d. BiH Sarajevo.
- II Stečajni postupak se otvara sa danom 25.02.2026. godine u 14,00 sati, kada se rješenje o otvaranju stečajnog postupka ističe na Oglasnoj tabli suda.
Oglas o otvaranju stečajnog postupka objaviće se u „Službenim novinama FBiH“.
- III Za stečajnog upravnika imenuje se Alma Topić iz Gračanice, ul. Riječka 50.
- IV Pozivaju se povjerioci da u roku od 30 dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj: 1321000256000080 – Vrsta prihoda: 722221 Budžet Tuzlanskog kantona.
- V Pozivaju se povjerioci da u roku od 30 dana, od dana objavljivanja oglasa o otvaranju stečajnog postupka u „Službenim novinama F BiH“, stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.
- VI Pozivaju se lica koja imaju obaveze prema stečajnom dužniku da ih bez odlaganja izvrše.
- VII Otvaranje stečajnog postupka ima se upisati u sudski registar Općinskog suda Tuzla, zku ured Općinskog suda u Gračanici, Službe za geodetske i imovinsko-pravne poslove Grada Gračanica.
- VIII Skupština povjerilaca (ispitno ročište) na kom će se ispitati prijavljena potraživanja zakazuje se za dan 05.05.2026. godine u 13,00 sati, u zgradi Općinskog suda u Tuzli, ul. ZAVNOBIH-a bb, sudnica S4-prizemlje.
- IX Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se istog dana nakon ročišta za ispitivanje prijava potraživanja.

O b r a z l o ž e n j e

Dana 29.05.2025. predlagač „SAMIREX“ društvo sa ograničenom odgovornošću, Peradarstvo i transport Gračanica, Stjepan Polje, Novo Naselje b.b., podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, temeljem odredbe člana 4 i člana 6 Zakona o stečaju („Sl. novine F BiH“, br.53/2021).

Nakon razmatranja prijedloga sud je rješenjem od 26.08.2025. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe člana 60, 61 i 63 Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem član 102 stav 1. Zakona o stečaju zakazana je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika.

Iz izvještaja privremenog stečajnog upravnika, dopune izvještaja i navoda datih na ročištu proizilazi da društvo ima obaveza prema PU F BiH na ime direktnih poreza po osnovu poreza i doprinosa u iznosu od 19.406,23 KM. Redovni računi društva su blokirani 2013. godine (devizni računi blokirani 01.10.2018. godine). U završnim finansijskim izvještajima za 2024. godinu iskazana je vrijednost nepokretne imovine u iznosu od 534.679,00 KM, dok je u bruto bilansu za period 01.01.-19.09.2025. godine iskazana vrijednost od 0,00 KM, a razlog isknižavanja je taj što je Razvojna banka F BiH unovčila nekretnine u izvršnom postupku broj 27 0 Ip 025625 14 Ip i uknjižila se kao vlasnik nepokretnosti. Uvidom u zamljišnoknjižnu evidenciju utvrđeno je da stečajni dužnik ima upisano pravo suvlasništva od ½ na nepokretnosti zk. ul. br. 1899, označena kao prilazni put, k.o. Stjepan polje, površine 222 m2 na kojoj založno pravo ima PU F BiH. U evidencijama MUP-a se kao vlasništvo dužnika vode dva teretna motorna vozila, marke Mercedes Benz, godina proizvodnje 2004. i Daimler chrysler, godina proizvodnje 2001., s tim da iz izjave odgovornog lica proizilazi da su ista objavljena zbog tehničke neispravnosti i prodana 2012/2013 godine. Na dan pokretanja prethodnog postupka dužnik nema prijavljenih zaposlenika. Privremeni stečajni upravnik je dao mišljenje da dužnik ima imovinu iz koje se mogu pokriti troškovi stečaja, da postoje razlozi i uslovi za otvaranje stečaja, a da se poslovan je ne može nastaviti, te da je ovlašteno lice dužnika na vrijeme podnio prijedlog za otvaranje stečaja jer u momentu nastupanja platežne nesposobnosti nisu bila na snazi odredbe člana 58, stavovi 6 i 15 Zakona o stečaju.

Po ocjeni suda stečajni dužnik nije u roku propisanom odredbom člana 58 stav 6 Zakona o stečaju podnio prijedlog za otvaranje stečaja, s obzirom da su računi društva blokirani 2013. godine, a pomenuti Zakon je stupio na snagu 15.07.2021. godine, dok je prijedlog podnesen 29.05.2025. godine.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten (jer je podnesen od strane stečajnog dužnika kao ovlaštenog predlagača) zbog nesolventnosti i nelikvidnosti dužnika postoji stečajni razlog u smislu člana 6 stav 2.a u vezi sa stavom 5, a dužnik ima imovinu čijim unovčenjem se mogu namiriti troškovi stečaja.

Temeljem navedenog ispunjeni su uslovi za otvaranje stečajnog postupka nad imovinom dužnika.

Sud je temeljem odredbe člana 102. stav 4. a u vezi sa članom 6. Zakona o stečaju odlučio kao u izreci rješenja.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju s tim da je stečajni upravnik dužan bez odlaganja stečajnom sudu dostaviti pismenu izjavu u smislu člana 78 stav 3 tačka I Zakona o stečaju.

Sud je odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108 stav 1 tačka a Zakona o stečaju.

STEČAJNI SUDIJA

Vedran Milašinović

POUKA O PRAVNOM LIJEKU:

Protiv ovog rješenja žalbu može uložiti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 2 radna dana od dana objave rješenja u Sl. novinama FBiH. Žalba iz prethodnog stava ne odlaže izvršenje rješenja.